



Inatsisartuni ilaasortaq

**Mariane Paviassen Jensen, Inuit Ataqtigiit
/Maani**

Savat savaaqqallu toqorartarnerannut sumik patsiseqartarnerat pillugu § 37 naapertorlugu apeqquteqaammut 170-2025-imut akissut.

Allakkat ulluat: 10-10-2025
Suliap normua: 2025 - 20516
Allakkat ilisarnaataat: 25804352

Asasara Mariane Paviassen Jensen,

Inatsisartut suleriaasianni § 37, imm. 1 naapertorlugu Savat savaaqqallu toqorartarnerannut sumik patsiseqartarnerat pillugu Naalakkersuisunut apeqquteqaateqarputit.

Apeqqutit uannit akisassanngorlugit innersuunneqarput.

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Savat savaaqqallu toqorartarnerannut sumik patsiseqartarnerat pillugu Naalakkersuisut nalunaarusiornerat sumut killippa?

Akissut: Nalunaarusiamut missingersuut "Nunatta Kujataani savaaqqat toqusarnerannik misissuineq, 2025" tamanut tusarniaassutigineqaqqammerpoq, 9. oktober 2025-mut killeqarluni.:

https://naalakkersuisut.gl/Hoeringer/2025/09/0809_lam?sc_lang=kl-GL

Nalunaarusiap missingersuutaata tusarniutigilerneqarneranut atatillugu atuagassiami AG-mi allaaserineqarpoq, naqitami 17. september 2025, aammalu nittartagaani 29. september 2025. <https://kl.sermitsiaq.ag/inuiaqtigiit/savaaqqat-tammartut/2287658>

Tusarniaanermi akissutigineqartut toqqammavigalugit, Pinngortitamut Avatangiisinullu Naalakkersuisoqarfiup nalunaarusiaq maannakkut nutarterpaa, inaarutitut missingersuut Naalakkersuisunit isummerfigineqartussanngorlugi, taannalu 2025-mi ukiaanerani Inatsisartut ataatsimiinneranni agguanneqassaaq.

2. Nalunaarusiap sularineqarnerani pineqartunik tassalu savaatilinnik peqataatitsineq qanoq ingerlanneqarpa ?

Akissut: Misissuineq 2022-2025-mi savaaqqat tammartarnerinut imaluunniit toqusarnerinut pissutaasunik misissuineq ingerlanneqarpoq, 2022-2024-milu savaateqartutut nalunaarsorsimasut apeqqarissaafigineqarnerinit tunngaveqarluni. Savaatillit peqataatinnerisigut misissuinnermilu ilisimasaat ilanngussaallu tunngavigalugit savaaqqat tammartarnerannut toqusarnerannullu sorpiaat pissutaanersut paasinianeqarpoq.

Savaatilinnik attaveqartarneq kalaallisut oqaloqatiginninnikkut ingerlanneqartarpoq. Marlorialuni apeqqutinik katersinikkut ingerlanneqarluni. Siulleq 2023-mi ingerlanneqarpoq, aappaalu 2024-mi ingerlanneqarluni.

Apersuinermi siullermi savaatillit attavigineqarput, savaaqqallu toqusarnerannut tunngatillugu misilittakkaminnik apersorneqarlutik. Ilaatigut qanoq akulikitsigisumik savaaqqat tammartarnerinut toqusarnerinullu suut pissutaasarnersut tullerjaaqqunerput. Savaatillit aamma paasiniaaffigineqarput, ukiup siuliani savaaqqat qassit missaanniittut taakkuninnga patsiseqarlutik toqusimanersut.

Immikkoortumi siullermi akissutaasut apersuinerup aappaanut tunngaviliisuupput, katinnerinilu savaatilinni 45-ruusuni 41-t peqataapput. Tassani paasissutissat itinerusut savaaqqat toqusarnerannut patsisaasut aammalu pinngitsoortissinnaanerannut siunnersuutissanik katersisoqarluni.

Misissuinermi aamma annertuumik paasissutissiisut tassaapput ukiut tamaasa nalunaarsuinerit SPS-imut tunniunneqartartut. Taakkumi ukiuni arlalissuani kingullerni savaatilinnit tamanit tunniunneqartartut katersorneqartarput, tassanilu savaaqqat savallu qassit qaqqamukartinneqarnersut, katersorneqaqqittullu, annaasat, sunalu toqqutigineqarsimanersoq ilisimaneqarpat, paasissutissallu allarpassuit tunniunneqartarput. Paasissutissallu taakku periarfissiipput savaaqqanik tunisassiornerup ineriartorneranut aammalu annaaneqartartut malinnaaffiginissaannut, taakkulu paasissutissat ajornartorsiutinik paasisaqarnissamut suleriuseqarrfissanillu nassaarniarnissamut iluaqutaapput. Paasissutissallu savaatilineersut sapinngisamik annerpaartaatnalunaarusiami atorineqarput.

A) Qanoq amerlatigisut peqataatinneqarpat?

Akissut: Qulaani akissut 2 takujuk.

Inussiarnersumik inuulluaqqusillunga



Bent Jørgen Ottosen